

Hala I phabay o phuro. Dorde te zhal zhi ko than, khamnilo. Isiles zori vache. Katka te hel, kutka te hel pes... beshela e borka. Pala zhala, pale beshela. Pala zhala, pale...., hm. Phenla:

– Dukhal mo vozi, be janam!

I beshto te hel pes. Hendilo. Ama na dikhel palal peste, so isi. I gelo o drom. So paravdile te zhal. I phenla keya:

– O, shoro!

Gelo peske baya dur i phenla o shoro:

– Baba-a-a!

Irinela o phuro palal peste te dikhel. Nanay ni ekh. Pale tsizel, dikhel o drom. Pale vizinela o shoro:

– Baba-a-a!

Gelo o phuro zhi kate gelo, pale irinela.

– Baba! Le li man! Ka kerav tuke belya!

Lel o shoro. Phenla:

– A-a-a! – phenla – Me hayom ikya phabay – phenla.

Lel o shoro. Thovel andi kurtka.

– I le man! – phenla – Ta so? – phenla – Vakerel – phenla – kale shere.

E dikhe i phuri – phenla – perel andi svest.

Lel o shoro.

– Ili le man, ili ka kerav tuke pakosi! Le obeshtanie te geles man pash i phuri. Tu haen, keren ti volya. Akana mukyan li man, ka kerav tuke pakosi!

Lela o shoro. Shte – ne shte, thovela les andi kurkate. Tal pe khakate ingalel les.

Phuri phenla:

– A be, phureya! – phenla – So thoveya te kurkate, tal te khakate ta ingalesa?

– A! – phenla – So te thoav? Geyom – phenla – kale phuryate, die man ekh phabay. Reshinyom te anav la tuke. Bokhayom, hayom i phabay. I ake mo vozi dukhal. Kate losho, kute losho – handom les. I vakere mange, kay mangel te lav les, zhi ka kerel pakosi.

– E, shtom kidya, thoas les kute, e. Ki politsa.

Emi thovde les. Ni habe mangela, ni maro mangela. Avzi, tase, o shoro achhilo veche kodova. Baro. I phenel i phuryake:

– Ano-o-o! Les te stegizie kale phurea! Zhan te mangen mange thagareske chhaa!

Ana pala phenla:

– E, sar te shereske ka dename chhaa?